

Október 2016

Nú er úti norðanvindur

Nú er úti norðanvindur
nú er hvítur Esjutindur
ef ég ætti úti kindur
myndi ég láta þær allar inn
elsku bestu vinurinn.

Krummi krunkar úti

Krummi krunkar úti
kallar á nafna sinn
Ég fann höfuð af hrúti
hrygg og gæruskinn
Komdu nú og kroppaðu með mér
krummi nafni minn
Komdu nú og kroppaðu með mér
krummi nafni minn

Lítill heimur

Þar er gott að vera sem gleðin býr,
þar sem gerast sögur og ævintýr,
svona er veröldin okkar
sem laðar og lokkar
svo ljúf og hýr,
lítill heimur, ljúfur, hýr,
lítill heimur, ljúfur, hýr,
lítill heimur, ljúfur hýr
eins og ævintýr.

Uglan

Það var gömul ugla
með oddhvasst nef,
tvö lítil eyru
og átta litlar klær.
Hún sat uppi' í tré
og svo komst þú,
Þá flaug hún í burtu'
og sagði: "Ú-ú-ú".

Gull og perlur/ Lag: Vem kan segla

Gulli og perlum að safna sér

sumir endalaust reyna.

Vita ekki að vináttan er

verðmætust eðalsteina.

Gull á ég ekki að gefa þér

og gimsteina ekki neina.

En viltu muna að vináttan er

verðmætust eðalsteina.

Nammilagið

Ef regnið væri úr bleiku

bangsagúmmí

rosalegt fjör yrði þá.

Ég halla mér aftur með tunguna út

aa a a a a...(með tunguna úti)

rosalegt fjör yrði þá.

Ef sólin væri á bragðið eins og sleikjó

rosalegt fjör yrði þá.

Ég halla mér aftur með tunguna út

aa a a a a...(með tunguna úti)

rosalegt fjör yrði þá.

Ef snjórinn væri úr sykarpúða og

poppi

rosalegt fjör yrði þá.

Ég halla mér aftur með tunguna út

aa a a a a...(með tunguna úti)

rosalegt fjör yrði þá.